

## Tlokotsi ea Boleng



---

## SABATHA THAPAMA

### Bakeng sa Thuto ea Beke ena Bala:

Esa. 1:1–9, Esa. 1:10–17, Esa. 1:18, Esa. 1:19–31, Esa. 5:1–7.

### Temana ea Khopolo:

“‘me le tle, re lokise litaba, ho bolela Jehova. Leha libe tsa lōna li ka ba khubeli joalo ka krimstone, li tla soeufala joalo ka lehloa; leha li ka ba khubelu joalo ka sekarelata, li tla ba tšoeu joalo ka boea ba nku’” (Esaia 1:18).

**H**o lahleha lefatšeng la boleba. Ha e ba u Khanna Ireland tseleng ea naha e patisaneng ke lifate ka mathoko, u ka fumana tsela e thibiloe ke ho bokana ha likhomo tse lebang hae ka mora ho feptjoa. Leha ka nako e 'ngoe molisa a le sieo ho tsona, li tla leba lesakeng la bo tsona. Li tla tseba eo li ikarabellang ho eena le eo e leng mong'a tsona. Ha e ba moshanyana a sa le mocha haholo, ka lebenkeleng a ka arohana le 'm'e oa hae 'me a hoelehetsa, “Ke lahlehetsoe ke 'm'e!” a ka tseba hantle moo a leng teng, kapa moo 'm'e oa hae a leng teng, le hara bongata bo kang ba metsi a leoatle la bo-'me' a ka tseba hantle moo 'm'e oa hae ka sebele a leng teng.

Ke taba e bohloko hore, ho fapana le likhomo tseo tsa ma-Irish (le hanyane ka moshanyana ea lahlaheling), Bajuda ba lebetse hore ke ba Morena, Morena oa bona ea maholimong, 'me ka hona ba lahlehetsoe ke boleng ba bona ba 'nete e le sechaba sa selekane. “Ke fepile bana, ke ba holisitse, empa ba ikhantšelitse 'na. khomo e tseba ea e ruileng, esele e tseba lesaka la mong'a eona; Israele eena ha a na tsebo, sechaba sa ka ha se na temoho” (Esa. 1:2, 3). Bekeng ena re tla shebana le mosebetsi oa Molimo ho khutlisetseng sechaba sa hae ho eena.

*\*Ithute Thuto ea Beke ena ho lokisetsa Sabatha sa la 2, Pherekhong.*

## Maholimo, mamelang! (Esa. 1:1–9)

Buka ea Esaia ha khutšoanyane e lelekela le ho itsibisa ka ho hlalosa sengoli (“mor’a Amotse”), mohloli oa molaetsa oa hae (“pono”), le sehloho sa hae (Juda le Motse -moholo oa eona, Jerusalema, nakong ea puso ea marena a mane). Sehloho hape se hlalosa e sa qalong bamameli ba Esaia e le batho ba naha ea habo nakong eo a phetseng ka eona. Moporofeta o buile le bona malebana le boemo ba bona le pheletso ea bona.

Ka ho bolela marena a neng a busa bosebeletsing ba hae, Esaia o lekanyetsa bamameli ba hae le ho amahanya buka le liketsahalo nalane le polotiki tsa nako e itseng. Nako ena e re supa litlalehong tsa marena ho 2 Marena 15–20 le 2 Likronike 26–32.

**Bala Esaia 1:2. Boleng ba molaetsa ke bofe mo? Morena o reng mo? Ke joang khopolo ea hae e tšoanang e bonoang hohle ka hara nalaneng? Na ho ka boleloa ka kereke ea Bokreste le kajeno? Hlalosa karabo ea hao.**

---

---

Ela hloko ka moo molaetsa oa Esaia o qalang ka mantsoe “Maholimo, mamelang, le uena lefatše sekeha tsebe”; bapisa Deut. 30:19, Deut. 31:28). Morena Molimo ha a bolele hore leholimo le lefatše ka bo tsona, li ka mamela le ho utloa. O se etsa e le ho tiisa taba.

Ha morena oa mehleng oa bochabela, joalo ka ’musisi e moholo, a ne a etsa tumellano ea sepolotiki le ’musi ea tlase boemong, o ne a mema melimo ea hae hore e be lipaki ho tiisa hore tlolo efe kapa efe ea tumellano e tla eloa hloko le ho otloa ka kotlo. Leha ho le joalo, ha Morena oa marena oa leholimo, a etsa selekane le Ba-Israele matsatsing a Moshe, ha a ka a supa ho melimo e meng e le lipaki. Joalo ka Molimo oa ’nete o ’notši, o ile a bitsa maholimo le lefatše ho tlatsa sebaka sa hae (sheba hape Deut. 4:26).

**Bala ka hloko Esaia 1:1–9. Akaretsa meleng e ka tlase hore na libe tsa Juda ene ele life. Ela hloko e khethehileng hape, litholoana tsa libe tseo. Juda one ale molato oa eng, ’me ho ile ha etsahala eng ka lebaka la molato oa bona? Ka nako e tšoanang, ke tšepo efe e fanoang temaneng ea 9?**

## Mahlabelo a Bolileng (Esa. 1:10–17)

**Bala Esaia 1:10. Hobaneng o nahana hore o ile a sebelisa papiso ea Sodoma le Gomora? Ke ntlha efe eo Morena Molimo a neng a e tiisa?**

---

---

**Bala Esaia 1:11–15. Morena o bolella sechaba eng moo? Hobaneng Morena a ile a latola khumamelo eo sechaba sa hae se neng se fana ka eona ho eena?**

---

---

Matsoho a tšoanang a neng a fana ka mahlabelo le ho phahamisoa thapelong a ne a “tletse ka mali”; ke hore, boleng ba pefo le khatello ho ba bang (Esa. 1:15; Esa. 58:3, 4). Ka ho sebetsa litho tse ling tsa selekane hampe, ba ne ba bontša lekhoneho ho mosireletsi oa Israele eohle. Libe khahlanong le lichaba tse ling e ne e le libe khahlanong le Morena Molimo.

Hantle, ke Molimo ka bo eena ea theileng khumamelo ea mahlabelo (Levitike 1–16) le ho khetha tempele e Jerusalemae le sebaka se loketseng bakeng sa eona (1 Marena 8:10, 11). Empa mahlabelo a ne a reretsoe ho sebetsa fela boemong ba selekane seo Molimo a se entseng le sechaba sena. E ne e le selekane sa Molimo le Israele se neng se fana ka bokhoni ba hore Molimo a lule mahareng a bona tabernakeleng/tempeleng. Ka hona, mahlabelo le lithapelo tse neng li etsoa moo, li ne li loketse ha fela ba ne ba bontša botšepahi ho eena le selekane sa hae. Batho ba fana ka mahlabelo ntle le ho baka liketsong tsa bona tse sa lokang malebana le litho tse ling tsa selekane ba ne ba etsa mahlebelo a leshano. Ka hona, mahlabelo a bona, ha se fela hore a ne a sa lokela—e ne e le libe! Liketso tsa bona tsa mahlabelo li ne li re ba ea tšepaha, empa boitšoaro ba bona bo ne bo paka hore ba robile selekane.

**Bala Esaia 1:16, 17. Morena o laela hore sechaba sa hae se etse joang? Ke joang litemana tsee, boemong bo, li tšoanang le seo Jesu a se boletseng ho Mattheu 23:23–28? Ke molaetsa ofe oo re ka o fumanang kajeno litemaneng tsee le boemong boo li fanoang ka bona?**

---

---

## Khang ea Tšoarello (Esa. 1:18)

**Bala Esaia 1:18. Ka mora ho e bala makhetlo a 'maloa, ngola seo u lumelang hore Morena o oa se bolela mona(Bala litemana tse 'maloa ho feta moo ho fumana boemo bohle).**

Molimo o boletse ka bopaki bo matla hore ba-Juda, ba qosoang, ba molato oa ho tloa selekane (Esa. 1:2–15), 'me o ipilelitse ho bona ho fetoha (Esa. 1:16, 17). Boipiletso bona bo bolela hore ho na le tšepo. Ha lebaka e ka ba lefe la ho phehella setloketsebe se lokelang ho ahlooa ho fetola mekhoha ea sona? Ke joang motšoarua ea ahloetsoeng lefu “a ka pholosang ba khatellong, a sireletsa likhutsana, le ho buella bahlolohali”? Empa ha Molimo a re: “Me le tle, le buisane” (Esa. 1:18, NRSV), re bona Morena a ntse a batla ho buisana le sechaba sa hae, a ntse a batla ho ba isa pakong le ho khutleng litseleng tsa bona tse khopo, hosa tsotellehe hore na ba bolile ha kae.

Morena o re ho bona Libe tsa lona tse khubelu li tla soeufala. Hobaneng libe li le khubelu? Hobane bofubelu ke 'mala oa “mali” (molato oa malu) o aparetseng matsoho a sechaba (Esa. 1:15). Bosoeu, ka lehlakoreng le leng, ke 'mala oa bohloeki, ho hloka molato oa mali. Mona, Molimo o itlama ho ba fetola. Ona ke mofuta oa puo oo morena Davida a o sebelisitseng ha a ne a hooa ho Molimo bakeng sa tšoarello ea sebe sa hae sa ho nka Bathesheba le ho timetsa monna oa hae (bala Ps. 51:7, 14). Ho Esaia 1:18, khang ea Molimo ke neo ea tšoarella sechaba sa hae!

**Ke joang neo ea Molimo ea tšoarello e sebetsang e le khang ea tšusumetso ea Molimo bakeng sa bona hore ba fetole litsela tsa bona? Bapisa Esaia 1:18 le Esaia 44:22.**

---

---

---

Joale re bona sepheo sa mantsoe a hlabang a Molimo a tlhokomeliso khahlanong le sechaba sa hae. Ha se mantsoe a ho latola sechaba sa hae empa a ho se khutlisetsa ho eena. Neo ea hae ea tšoarello ke khang e kholo e tšehetsang boipiletso ba hae hore sechaba sa hae se ithoekise boitšoarong (Esa. 1:16, 17). Tšoarello ea hae e ba fa bokhoni ba hore ba fetoloe ke matla a hae. Mona re bona litholoana tsa “selekane se secha,” se boporofetiloeng ho Jeremia 31:31–34, moo tšoarello e leng motheo oa likamano tsa pelo e ncha le Molimo. Re qala re le “bokhubelung” re kolota sekoloto seo se ke keng ra se patala. Ho tloha boemong bo kokobetseng ba ho ananela tlhoko ea rōna ea tšoarello, re malala-a-laotsoe ho amohela sohle seo Molimo a fanang ka sona.

## Ho Metsa kapa Ho Metsoa (Esa. 1:19–31)

**Bala Esaia 1:19–31. Ke sehloho sefe se hlahang mo se bonoang hohle ka hara Bible?**

---

Ela hloko popeho e utloahalang ho Esaia 1:19, 20: ha sechaba se ka khetha ho utloa le ho mamela Molimo, se tla ja menono ea lefatše (Esa. 1:19). Ka lehlakoreng le leng, ha ba latola tšoarelo le nchafatso le ho ba khahlanong le eena, ba tla metsoa ke sabole (Esa. 1:20). Khetho ke ea bona. Litamana tsena, ka hona, li fupere litlhohonolofatso le lithohako tse nang le lipheho. Esaia 1 e pheta le ho kenya tšebetso mantsoe a Moshe a tlahleloeng bukeng ea Deuteronoma 30:19, 20 nakong eo selekane le sechaba sa Israele se neng se thehoa: “Kajeno, ke bitsa leholimo le lefatše hore e be lipaki ho lōna. Ke beile pel’a hao bophelo le lefu, lehlohonolo le thohako.”

**Sheba mantsoe ao a tsoang ho Moshe. Hlokomela, ha ho na sebaka se bohareng. Ke lefu kapa bophelo, tlhohonolofatso kapa thohako. Hobaneng u nahana hore ho na khetho e le ’ngoe fela ho tse peli bakeng sa rōna? Hobaneng ho se na tsela ea ho ikhakanya?**

---

Mantsoe ana a Moshe a akaretsa litoto la lithokomeliso, le litlhohonolofatso, le lithohako tse phethelang ho thehoa ha selekane ho Deuteronoma 27–30 (bapisa Levitike 26). Lintlha tsa selekane sena li kenyeletsa (1) ho phetha seo Molimo a se entseng bakeng sa bona, (2) maemo/lipeho (litaelo) tse lokelang ho phethoa hore selekane se tle se lule se phela, (3) malebana le lipaki, le (4) litlhohonolofatso le lithohako ho hlokomelisa sechaba ka se ka etsahalang ha ba tlola lipheho tsa selekane.

Liithuti li fumane hore lintlha tsena li hlaha ka tatellano e tšoanang le ea litumellano ea sepolotiki tse neng li kenyeletsa lichaba tseo e seng tsa Israele, joalo ka ba-Hethe. Ka hona, ho tiisa selekane sa Molimo le ba-Israele, o ile a sebelisa mokhoa oo ba neng ba ka o utloisisa le ho tiisa likelellong tsa bona ka matla boemo le litla-morao tsa tumellano e tlamang eo ba khethang ho kena ho eona. Litholoana tse molemo tsa selekane sena li ne li le ntle haholo, empa ha e ba Israele a tlola tumellano ea bona, li ne li tla ba mpe ka ho fetisisa.

**Tselang ea hao ea Bokreste, ke joang u bileng le maiphihlelo a litlhohonolofatso le lithohako joalo ka ha ho bonoa kaholimo?**

---

## Pina ea Lerato (Esa. 5:1–7)

**Bala pina ena e litemaneng tse ka holimo. Setšoantšo see se bolela eng?**

Molimo o hlalosa moelelo oa setšoantšo qetellong, temaneng ea 7. Ka ho sebelisa setšoantšo, o thusa sechaba ho re se itekole e le hore se tle bone boemo ba sona hantle. Molimo ka katleho o sebelisitse mokhoa ona le ka morena Davida (sheba 2 Sam. 12:1–13). Ka ho e bitsa “pina ea lerato”, Molimo o senola e sa le qalong morero oa hae malebana le sechaba sa hae. Likamano tsa hae le bona li tsoa semelong sa hae, seo e leng lerato (1 John 4:8). O lebelletse ho khutlisetso karabo ea lerato. Empa ho e-na le “merara,” o fumana “merara babang,” ho boletang, ka se-Heberu, “lintho tse nkhang.”

**Morena o bolela eng ha a re ho Esaia 5:4, “Se ka beng se etselitsoe tšimo ea ka ea merara, ke sefe ka ntle ho seo ke se entseng?”**

---

Molimo o re temaneng e latelang: “Joale a nke ke le tsebise see ke tla se etsa ka tšimo ea ka ea merara hona joale: ke tla tlosa motero oa eona, ke e etse makhulo; ke tla heletsa lerako, e hatakeloe; ke tla e senya” (Esa. 5:5, 6).

Ha re etsa sebe, Molimo ha a re khaole hang-hang ho eena ka ho tlosa tšireletso le ho re timetsa. Ka mamello eohle o re fa sebaka sa ho amohela tšoarelo (sheba 2 Pet. 3:9). Ha a khaole mang kapa mang ea mo amohelang. Oa ipiletsa ha fela tšepo e ntse e le teng ea ho arabela. Ha a nke che hang-hang e le karabo, hobane oa tseba hore re bohlasoa le ho thetsoa ke sebe. Empa ha ho sa ise kae le rōna, hang-hang o ananela khetho le ho re lumella ho sala ka tsela eo re e khethileng (shebaTšen. 22:11).

Ha phehella ho hana boipiletso ba Molimo ka Moea oa hae, re ka qetella re fetile moeli oo re ke keng ra hlola re khutla (Matt. 12:31, 32). Ho furalla Krete ho kotsi haholo (Ba-Heb. 6:4–6). Ka moo Molimo a ka etsang kateng, hobane o hlompha bolokolohi ba khetho ea rōna.

**Nka ntlha e fumanoang ho Esaia 5:4, ka “Se ka beng se etselitsoe tšimo ea ka ea merara, ke sefe,” ’me u shebe seo ka leseli la sefapano, moo Molimo a nehelaneng ka bo-eena e le sehlabelo bakeng sa libe tsa rōna, a lefella ka nama ea hae tlole ea molao oa hae. Ke eng se ka beng se entsoe bakeng sa rōna ho feta seo a se entseng? Ke joang ho lula sefapanong ho re fang tiisetso ea pholoho le ho re susumeletsa ho baka le ho fetoha litseleng tsa rōna?**

---

## Ho Ithuta Haholoanyane:

Boemong ba Esaia 1:4, Ellen White o ngotse: “Sechaba se ipitsang ka Molimo se ikarohantse le Molimo, 'me ba lahlehetsoe ke bohlahe ba bona le ho silafatsa kutloisiso ea bona. Ba sitoa ho shebela hole; hobane ba lebetse hore ba tšoaretsoe libe tsa bona tsa khale. Ba tsamaile lefifing ba se na phomolo le bo-'nete, ba batla ho fifatsa likelellong tsa bona tokoloho, le tiisetso, le thabo ea letlotlo la bona. Ba oela mefuteng eohle ea bohlaya, ba ipheha khahlanong le mehauhelo ea Molimo, le ho atisa melato ea bona. Ba mamela liqoso tsa Satane khahlanong le semelo sa Molimo, le hlhisa Molimo a se na mohau le tšoarello.”—*The SDA Bible Commentary*, vol. 4, p. 1137.

## Lipotso tsa Puisano:

1. Ke joang u ka “itlhatsoang”? Poleloana eo e bolela eng? (ShebaBa-Fil. 2:12, 13.)
2. Ke joang Jesu a ileng a nka, le ho pharalatsa, le ho sebelisa pina ea lerato ea tšimo ea merara? Matt. 21:33–45, Mark 12:1–12, Luka 20:9–19. Ke lithuto life tse teng paleng e kaholimo bakeng sa rōna re le Baleti?
3. Ke kamano efe lipakeng tsa tšoarello eo Molimo a fanang ka eona le phetoho eo a e phethang maphelong a rōna? Ho tlang pele ke hofe, phetoho 'me e be dho tla tšoarello, kapa tšoarello e be ho tla phetoho? 'Me ke hobaneng ho le bohlokoa ho tseba ho tlang pele?
4. Qotsulong e ka holimo, Ellen G. White o re batho ba ipeile khahlanong le “melemo ea Molimo.” Seo se bolela eng?

**Kakaretso:** Ha sechaba sa Molimo se mo lebala le ho se nkele hlohong lithohonolofatso tsa hae, o ba hopotsa hore ba jara boikarabello seleaneng sa bona le eena. Ka mohau, o supa boemo ba bona, le ho ba hlakomelisa litla morao tse senyang tsa ho furalla tšireletso ea hae, le ho ba khothaletsa ho mo lumella ho ba folisa le ho ba hloekisa.